

道古堂詩集

道古堂詩集卷二十一

仁和 杭世駿 大宗

閒居集

櫻珠下短歌呈易四

謝

櫻珠的的紅可憐種在易四高齋前高齋置酒招我看
看到日斜色愈鮮家鄉歷擔想更熟貓頭笋大蠶豆綠
筠籠相贈知有無枉賺妻兒話茅屋感君此舉非漫云
一醉要使名實分命題偶借閑草木來朝傳寫應紛紛
我與諸公復何有只辨閒唵開笑口明年花發我復來
酌汝櫻桃一杯酒

粵人羅世昌

令蜀某縣被劾歸將納金自劾而力

不逮訪余里第賦七言慰之

江頭相送雜悲歡劍外憐君早墮官復玷劇知完璧易
助邊其奈鑄金難栖遲旅食仍求炙顧盼雄姿想據鞍
報國便能乘一障他年尋汝萬山寒

復玷見漢
韋元成傳

題孫正朋龍眠歸隱圖

世人有山不肯隱我欲買山愁無錢歸來蹉跎不適意
忽忽但枕吾廬眠今年蠅生歲大歉爲飢所迫來江壩
邂逅孫郎好奇服把酒偶和流詩篇有腰耻爲小官折
負氣不受庸夫憐壻鄉乃在綠楊郭紗繪已到秋棠顛

自言樅陽有舊業龍眠山翠恒檐前當門手種靡腫樹
到烏耳佚琤潺泉香茅亭子直礪曲板橋一徑相洞浴
卅年此境畱寤寐恐被猿鶴長嘲煎移家擬就楊通老
挈累略仿葛稚川鹿車穩坐鮑靚女嬌兒著鄰玉雪然
帛槌脂盃恣攜載白犬乃在丹雞先雙鬟秀婢十三四
粉鏡偷畫修蛾妍川涂迤邐霽景麗失喜先覲村墟烟
空梁恰逢覓巢燕灌木剛沸含風蟬伯時畫法久寂寞
閱世七百猶畱連峯巒不改皖公色風氣遠勝元豐年
鄉鄰款款話未足扶耒共耨僧衣田他年預卜子孫長
此圖與君皆可傳江湖我亦掉頭去閉門種菜將終焉

讓公山舫

小舫凌虛見未曾蕭寥合著住山僧負來夜半天風大
安向巖坳智水澄壓檻斬新延竹色推窗依舊面湖棱
漁兄莫悵難津逮隔岸鳴榔喚欲膺

送雷副憲銓告養歸里

聖化崇至德錫類一何廣求忠必於孝斯義古無爽汀
南有大儒天骨森骯髒學術追本原風教藉洪獎廻翔
三館間游歷西臺長正色立本朝秉道不可任江左
盛人文時風昧真賞慎遜在廷臣

帝曰汝諧往臣母七十餘坤德今寡兩鵝髮猶燾劬髮

鬢白盈掌

帝念純孝心孺慕增愷悅量移澗河湄壽域庶和昶三
年播 聖化將陪紫宸仗不以三公貴而易一日養陳
情乞循咳得告整歸榜翠華山汀州高巍我汀水流決滌
兩大間氣鍾山水契真想是母有是子百代綿景仰嗟
余賦閒居顧養心悵悵從公商出處牽附義或儻餒公
有餘榮心目轉參朗遺詩申繼緒豈但勵吾黨

應太公

重華

年躋期頤黃

琛

寫蘭竹圖爲壽奉題

二律

煬和抱德性天全盛事俄看薄海傳百歲恰隣重九節

四朝欣際太平年，願生不假張蒼乳。飲酒長陳衛武篇。

聖主卽今勤問俗，一時賜見許誰先。

禮天子省方先見百年者

妙手能描海鶴姿，置身邱壑總相宜。幽蘭細茁羅含宅。

黃竹如歌穆滿詞。

書穆王在位百年黃竹見穆天子傳

隣叟過門皆弟畜。

老萊繞膝只兒嬉，九天生籍年年換道是。期頤豈有期。

胡三

應瑞

愛臯亭山水有結廬之願，詩以堅之。

君如買宅臯亭住，須種梅花三百樹。樹裏茆堂樹外橋，
杖策寒香襲衣屨。春殘葉大轉陰濃，雨過苔黏更盤互。
鄰叟來傳補竹方，幽禽喚與尋山路。烟鐘際暝畝村春，
漁火沿流破溪霧。眼前好景畫難真，身外良圖計非誤。

瓜皮艇小載琴來相訪柴門月初吐

汲泉日日招僧煎茶掃葉秋可娛
西林做做響涼雨
夾岸瑟瑟搖青蘆長歌擢入藕
荷去廿里卽是臨平湖
湖外家家秔稻足况有魚蜆兼
菱菰長年飽飯一無事
不愧識字畊田夫桃源已迷盤
谷迴投老舍此安歸乎
看君決計入寥廓黃鶴攬攬雲
間呼

閏月九日展重陽於吳山

九日適逢閏登頓有陳迹輕舸纜
河濤初日射巖隙遂
躋千丈峯相攜萬里客

時周分司宣
猷自長沙來

秋林逾櫛椽列岫

儼疇昔遠騁過江目近展尋幽展
澄湖環楓杉一一橫

畫格幾年闕清游
浹月勝抵百藁邱
出空嵌愕貽敢騰
擲鼉梁俯可憑
豁爾兩厓圻
長松沸笙竽
導入化人宅
亂石翹犀株
璇房壓鬼脊
蒼烟積彌重
暮色紛可摘
拄杖鏗有聲
驚起禽格磔

得耿

國藩

南安消息

迢遞南安客
天寒意若何
別長愁不極
書到喜無他
過嶺詩能秀
懷人夢定多
欣然思命駕
年運惜蹉跎

題馬達菴遺像

馬卿

日珂

與我舊相識
九年不見時
廻腸東關窄
巷忽

邂逅雙瞳猶
昔鬚眉蒼
手持遺像坐
磐石蕉衫羽
扇清

風涼長松直上節礫柯孤鶴齋舉神鏘洋重是畸人敢
迨視肅拜展向空堂張邱山廻首死生變可惜吾生異
鄉縣平居致敬闕登堂空向鵝溪絹中見先生抱膝江
關居賢聲藉藉充井閭清文不數崔子玉至性人說徐
仲車與廉察孝上所職承筐笙醴無吹噓間平動色遠
延攬兀彘耻曳王門裾稱貞縮屋甘引匿等身自著兼
明書我文麤疎詩格醜握筆先愁面增忸高門欽有賢
子孫潛德幽光發宜久龜趺未得篆曼辭驥尾仍圖附
不朽臨風三歎掃麈丸端正畱題不敢苟

新安方如珽潛山尋墓詩

盜塞潛山路人今藁葬聞瓦棺樵豎識簪髻老姑云枯
骨收巖溜寒旌散阪雲荒江徵舊史浣筆寫清芬

題焚虛上人梅花作伴圖

阿師出世飛金策果證聲聞悟空色法筵 宣賜七條
衣闕盡恒河頭未白一龕占斷南屏春峯廻礪合空無
隣破禪忽忽鼻觀觸冰姿窈窕來窺人清吟苦愛梅花
好晴雪開門閉不埽掛瓢樹底瘦影皆補衲巖前暗香
繞中峯習語知力懲照字且就長明鐙綠陰匝地東風
轉只剩長眉一個僧

臯亭印事

紛紜畫舫背迴塘路入仙源九曲長
桑竹烟升開霽色
綺羅風動上花光
狂思贈芍慚詩客
老愛臨溪缺草堂
十日不來春恐暮
有錢吾欲買青陽

集舊雨齋用皮陸酒中十六詠韻得酒牀二首

糟牀六尺橫豈爲有肥羜騷騷噴清香
啣啣續幽語那容醉人眠
絕勝抱泉處此聲故自佳
已費一區黍
去醕還其醇用醪欲其潔
猛縛萬竅號細瀘一蟲咽
吟對漑腸枯臥聽補漏缺
不有澄清功何以酬令節

桂堂前有羅漢松一株數百年物也
吟社諸公各以七言長句寵之余亦繼作

吾家精舍黃篔縫透風透月如孤篷階前有樹破空立
針粗葉健青鬚鬆倒窺絕澗不肯臥倔彊意欲摩蒼穹
橫枝突出夜叉臂勢壓巖窺欺羣峯問名不是徂徠松
云是應真長爪搏泥封應真住在耆闍窟外金銀宮貝
多葉大淡墨寫杪樞樹古輕烟籠旒檀婆律徧法界只
有此松蚴蟻蛭蝻猶蒼龍作其鱗之而抱珠睡醒騰虛
空怒噓噫氣埽頑翳謾謾弄響梭寒風僧雛寫經有蔭
借鹿女躡月無人逢石徑齟齬長廊窮突兀忽遇吟詩
翁層湖演漾洗洮硯蚶蛤筆蘸金盃濃欲爲佛樹究緣
起腕中有鬼愁難供詩成掛我素壁上風雨驟至人天

蘄松身挺挺敲青銅詩骨堅瘦將母同卑宏韋偃胸中
無譜不敢畫恰與龍湫尊者蹙頤槁項題真容

穆如軒觀文待詔千巖萬壑圖卽和其詩

飛流幾派繞巖阿怪道山光勝永和已遣顧癡畱雋語
更煩文叟埽輕螺開緘便覺丹青好照眼翻愁應接多
三十五年前一到老懷回省費消磨

題施明經

學濂

九峯學舍

青琬琰峯九點精舍數椽門畫掩修兩踰酒兩壺巾卷
帖帖充坐隅維鶉四條解頤最吁嗟毛萇傳當汰我識

說詩施士丐

詳見昌黎集注

旱旣太甚汪上舍萃宗寫望沛圖以寄憂來乞題

衝口率臆書三百字歸之

五日不雨則無麥十日不雨則無禾無麥飢欲死無禾
將若何朱夏旱日行空燒火傘赭赫炎官驕下田厚水
不得上高田逆坂有似龜兆猛用荆焯燹大官足踏踏
步上高山日未赤尻高首下叩不休滿望跳珠半空擲
歸去天光依舊碧馬市街西頭汪家庭樹有兩鳩朝來
屋山叫際晚逐婦聲啾啾主人出愁入亦愁兩眼瞠眙
望空禱感感磬折如土牛噫吁乎大官高顙廣額鬚鬢
磔竭毛穩著繡織麒麟袍位尊勢大救不得汪兄汪兄

爾有何術敢與天公鏖吾聞天眼炯炯監觀赫至誠感
神在自責縛龍投骨木妄傳閉陽求陰究何益君不見
天上有雷公呼吸能與帝座通經綸在手不妄試天聲
一震開羣聾搜擒女魃立誅死意指似與汪兄同金蛇
狂掣玉女笑銀竹排簾海水倒滂沱眼見接混茫膏澤
真能救枯燥臥聞簷雷不肯縮天祐我民秬稔熟棲峙
毋雞方伏穀甘薦黃牛又生犢梁間龍骨且高眠共向
中田舞獨速我有私心過計苦爲汪兄輾轉憂不足西
隣墻壞東壁穿飯雖飽漫鼓腹亟買茅茨苦漏屋

南屏秋禊

秋光多說在南屏爲訪殘荷權乍停閒鷺請盟沙際竹
孤僧畱話水邊亭涼風欲起雲先白斜照將陰石更青
珍重諸公唵筆健莫將常語溷山靈

直指菴尋閱古泉

高秋便幽騶勝引不憚間僻徑窈且深翠麓一菴近閒
僧蘊山情聊以佛事隱苔軒剌然開峭壁石怒奮下臨
閱古泉了了見藻蒞云是韓平原疏鑿際末運怪禽絕
俯窺墮葉皺寒暄旭高逗谷陰風號出林韻鈴屨瘦居
士衣褶照不素盥手弄清冷弔古恣搜拈徒傷浩劫銷
莫俛往徹債髮泉蒙羞嗚咽漱凄憤

辛未除夕曾同金

志章

厲鵞

施安

遊此今三人已

化異物感舊傷懷復用前韻

韓相覆餗劇

見新唐書

勲德昧前訓民懷下泉思國有禍水

忿園荒鳥來歌堂圯客莫問祇餘一泐泉觴詠見風韻

細流繞山根廻波盪日暈一記累放翁文苑笑相靳閱

世五百年今古悲遞運桃坡級可梯雲岫勢猶奮驚虵

徑草荒淒冷娛石隱殘僧如枯龜齋廚闕蔬餽曩招棲

山朋餞歲倒清醞俄然傷逝波反袂老淚披

九日擬遊張家寺阻雨不果集桂堂作

令節宜僧寺遊情歎屢更雨防莎徑滑吟愛草堂清瘦

石添寒色高梧戰晚聲蕭閒有如此底事羨山行

同作

錢塘丁健誠叔

古寺南湖上西風釀水寒水田秋破碎野樹暮團圓
細路妨遊屐虛堂展食單相將弄籬菊亦足助清歡

錢塘陳鑑遠村

良辰果夙諾侵曉叩幽扃雨阻尋僧屐尊開問字亭
孤花閑砌草落葉亂池萍莫漫商游陟依依桂樹青

錢塘施學韓石泉

蕭颯雙株樹袈裟半畝宮如何滯遊屐不得遞詩筒
雨意生苔石秋聲在遠空商量展令節合在小山東

晚過慈雲山房尋指南上人

招提宜晚尋一徑踏荒草斜陽淡不收
導客有歸鳥閒房枕長流矮屋界叢篠
中有清吟僧律精詩更好緇經雙樹底
運筆露長爪十年香火情相見念吾老
捶琴魚出聽煮茗葉初掃借此佛屋清
款款寫幽抱俯見人影瘠華月漏林杪
咏歸偕吾徒覓句待子討

馮禮部

成修

自嶺南過訪值余他出越日走送不

及悵然有寄

粵客能相訪追尋豈憚勞胡然先放纜
不得致香醪莫兩城陰失長河雁影韜
閉門仍塊處慚愧柳儀曹

題青藤山人雪景

皚皚縞雪扶寸盈，僵木夙異潑墨成。頑雲一色壓檐重，
凍鵲三兩瘖不鳴。不啄不飲又不去，癡蹲意欲何所營。
青藤山人妙寫生，小筆點黠能孤撐。似嫌冷淡不施粉，
瓔珞倒掛虬卵纒。諦觀不辨久，乃識毛藤結果如朱櫻。
天公玉戲地房閉，萬卉被壓無由萌。嗟汝小草有何力，
的皪顚顚珊瑚擎。掛向君家草堂裡，眩搖銀海增寒情。
元冬邀我一評泊，肅肅已有淒風迎。一重草樹一重雪，
以手摸試窪窪呈。世間豪奪諒不少，請畱健句當干城。
我詩豪猛不諧俗，落韻時作玉雪清。冰壺濯魄者誰子。

歲寒亦可來參盟排籤呵凍兔毫禿門外屢報蝦蟇更
春餅十六韻

重羅瀘麵近傳柑付與公羊意便耽玉屑和來蟬翼展
筠籠蒸後麥波含餅師妙手輕無敵酒客虛腸醉尙貪
薄彷彿竹膜能映字煖融松液定驅痰買歸華肆紛綸疊
釘向花羹次第探皎皎潔如霜灑練團團光賽月臨潭
清蔬捲入誠難副大肉包來又不堪

大肉硬餅
見韓詩

屈摺項

葱津已溢膠黏玉糝味尤甘橫吞勢學銜書鶴軟嚼聲
羞唼葉蠶小市插標誇裂十

蘇詩起搜十
裂照坐光

華筵添餒飽

春三未邀東哲高文賦

東賦春言餒
頭而不及餅

劣許姚泖舊樣參

讀畫政防寒具涇湯官方法亟須諳

送徐堂溥遊淮南

端居不得志茅屋難孤潛刺刺語婦子修修理衣襪庭
樹有離色絲雨紛撲檐干人豈無策避冷將趨炎租船
濶三板漉漉春水添鶯啼雜花發所得已不賺淮南好
天氣豈止三月淹斲窗搜短句看子秃管拈

贈施鑄新納吳姬

宛轉銀塘月滿溪雛鶯年小怯單棲船從齊女門前上
詩向燕脂滙畔題阿母梳來雲鬢重侍兒扶出畫裙低
雖聞鸚鵡如相喚說與儂家近姓西

題漸江僧山水

石洞豁開渠水斲寒藤倒掛風交披山梁欲渡抱琴客
意將何往無由知阿師腕底無媚格袖中豈少青蘿詩
竊然絕境罕津逮闕焉無語將待誰汪君愛我苦硬筆
要我抽思代師述探奇未睹山骨青著紙居然清氣溢
是詩是畫兩絕塵合度君家畫禪室

伏日集報國院

瓜畦出微徑步入精廬深高天有雲翳淨域無炎侵所
偕非俗期恂退皆素心濯纓臨荒池池上多嘉禽愛吟
其天性助我時弄音感物良自勵戀景匪斯今佛樹借

綠蔭入座涼
悵悵不招穎
師橫膝調玉
琴

傷逝十二首

逸禮無人讀
殘經獨爾研
世傳張稷若
持較未爲賢
補

闕黃幹楊復後刊訛程中允李少宗伯清植同前丁男

今又死誰爲守遺編宜興吳編修紱

采采思芣苢亡之命矣夫
疾邪同趙壹蘊憤豈王符
硯

北心期在江東氣類孤
遺書非一卷曾付所忠無勾而全吉

士祖

嶺南三載別頻寄八行書
秋唱思要汝衰年嘆祝予謂

關禮艱難搜綺製君所著皆燬於火刻集時皆從記憶得之寂寞守寒廬忍

踏吳山麓崢嶸又歲除

金觀察志章

料理禪枝穩棲霞犯暑還幽人無俗諦終始在名山賓
館誰能去清詩不易刪藥變逢令弟

徵士日璐

老淚幾回潸

祈門馬員外日瑄

松里騎羊歲篁菴頌酒時摘文吾不逮傳世爾何疑破
屋棲難穩青衫脫恨遲清宵耿無夢忽忽憶吟髭

王秀才曾

淒絕車橋路山猶繞郭青詩篇清氣守門巷綠陰局有

夢尋禪窟

君與淨慈恒公交好

無見乞墓銘秋風兩行淚霑灑爲

忘形

舒海鹽瞻

西城陸給事嗜酒復耽音酒催年速迢遙寄淚深一

官猶脫葉八口學飢禽地下吾姨在元堂路尋

陸給事秩

吾友今無匹悠哉至性微笙詩譜束哲經義問張譏客

好仍沽酒官貧數典衣關心籌藥裹怪道諫書稀

張給事涓

冊載情親久都忘歲月長松風出城路竹色煮茶坊遊

跡年年換歎悰漸漸妨老慚吟興獨和從有諸郎

施上舍安

詩格同人瘦年華共水流焦山十年別林屋幾時遊

余自

焦山別後君復落月良朋感驚風少婦愁牽帷曾一弔

古林屋之遊

腸斷古邗溝

長洲婁處士綺

黃生著錄久每念輒淒其已鍛鸞皇翮旋摧虎豹姿間

關前弱息孟浪委庸醫灘水招魂遠飄飄莫久羈

靈川黃明

府瑞鵬

安禪青竹榻雙髻尙留痕怪鳥叫林杪枯苔侵寺門煎
茶清客夢聞磬黯詩魂篆路彎環甚何人送出村

潮鳴寺僧

成鑑

城南紀遊三首

崇聖院

香林曲抱流竹戶晝常闔枯磻一釣橫清陰萬竿納行
逢幽鳥喚徑屢黃葉踏古栢兩離立蒼色照壞衲植根
忠孝王歷八百屢臘孤筠倚檐空忍草到階合瘦句傳

惠洪餘韻尙繞榻緬懷締造初辛苦把茅搭佛髻不受
塵禪枝穩棲鴿寒烟冒蔬畦不礙野花雜溲然梵唱清
隣磬遠相答斜陽一揮手路轉見佛塔

梵天寺

佛塔在何許斗折歷隕坻蜿蜒活筆鋟一卷陀羅尼刺
天交屹峙拔地兩崛奇墻匡秋井塌靈鰻無人知復從
壞殿壁摸認青蘿碑詮詩沒榛莽坡韻亦塵緇尋僧縱
逸步銚冷茶烟遲窺顏鏡元鏡亂葉堆荒陂癡龍睡不
醒恍惚泉眼移蒼涼催晚色周覽悽心脾山靈不留人
颯爽飄微颺丹黃忽送望奔赴恐後時

三一卷

後時夫何憂望收身亦到涖緣委巷窮四顧絕隣保石
泉活眼碧漾漾舞寒藻初從下界看樓閣在林杪澀磴
詰屈穿封徑有密篠蕭然天風來低拜石壇埽丈室涵
孤清撫檻縱遐討了了江上山落日銜更好晷短興逾
高惜景寸心悄咄哉葛長庚可惜先我老遣興旣未能
流眇曷云少迢迢江路長健欲約歸鳥

展重陽於吳山西爽閣會者七人

傑閣凌虛望眼措居然勝踐隔旬排餐英人比重陽健
言志詩難七子皆湖岸日高明柏葉仙壇風勁墮松釵

憑闌何限蕭寒意欲借瑤笙散酒懷

由張家寺過寂照菴

霜根絡原野急景涵蕭寥意行愛冬日步履緣溪坳荒
畦接古寺遠磬風中邀齋心睇傑閣蹙嶮壓衆嵩蛇行
出微徑淺泝枯荷交路指千佛院隱隱炊烟包結援縛
苦竹放出青雲梢入門陰夔樹肅容開疎寮頽然僧被
破瘦髀如鷲翹起理折脚錯酌我呖然匏屢憩禪窟清
兼飮元談超遵塗約歸鳥脫葉時一飄

冬菜十二韻

御冬謀旨蓄生計問園官藥井三泉煖蔬畦幾畝寬鋤

侵刪竹徑種近釣魚灘野氣蒸逾沃霜痕著未乾嫩莖
紛吐白大葉漸禁寒味厚蟲先蛀香微蝶不干澆當清
露斷割向夕陽殘賣去和根截挑歸揀地攤洗應勞玉
腕掛不到朱闌鹽豉隨人下瓦罍計量殫青憐飢女色
酸稱腐儒餐雪夜茅柴熟開瓶進一盤

題翟

濤

樹蕙圖

一雨土膏足階庭坼萌芽夫君情信芳鍾此幽蕙花光
風一以獵馥郁芬轉嘉何必百晦多始見修能姱
昔人亦有言蕙似士大夫南陔足蘭玉得此興不孤貯
以黃磁斗置之宴坐隅爲肴真可餐令我顏膚腴

送趙瑞入都

春風吹客解吳艘，此去分明倚彩毫。
北地看花傳偉餞，西堂點筆記吾曹。
時清不信文名賤，戶大方愁酒價高。
欲借玉河新柳汁，與君飄灑上征袍。

陳臯惠示何水部集卽次集中諸錄別韻送還廣陵得臨別聯句韻

東風捲層雲，桐花落如霰。
之子韓江淹，浹歲始一見。
苟能同心期，豈患異鄉縣。
河橋一分攜襟裏，淥波濺

上巳日修禊湖上集莊子齊物論中字

冷風吹萬衆，發發機山氣。
日佳其木百圍，轂音叫濠識

林知歸適彼天澤麗如西施游魚深入蝴蝶自飛振策
姚佚竟塗所之蘊爲妙唱于喁相隨年齊彭殤理一成
虧酌酒不竭炙膾有司暮色俄封塔焉不疲膺是道樞
和以天倪問二三子而我奚私

讓公有燒笋之約同過山舫期恒公不至

天教一雨洗晴空催赴南屏信短篷孤塔斜明青嶂外
袂衣涼試綠陰中齋廚燒筍緣非淺山舫題詩興偶同
只有禪心無繫著依然行脚過橋東

題讓公梅花卷子

僧臘無寒暑記年不記日見梅始知春春去不復詰讓

師戒律高晏坐淨名室綠陰覆團瓢花開始一出茆檐
苦月窺壞衲信懷慄砉然冰簪墮清氣入吟筆山空鶴
未來一琴尙橫邾

瓶荷

馥郁雙荷散晝陰井華頻向膽瓶掛看餘紅袖翻風態
才識青泥不染心洗艷難邀珠露潤託根還想玉潭深
魚梁不見亭亭影盼殺斜陽曬翅禽

效江淹雜擬二首

孫廷尉雜述

遊心溯太始沕穆泯朕兆乘化一歸盡顏壽彭亦天化

機妙自然斯義未易了試憑巧歷算推測母乃矯俗儒
盛文辭理失徒見少顓頊師綠圖黃帝問天老勢位未
足乘所貴在聞道不見髣髴童倏忽變華皓覺世維孔
曾立說非草草羣黎日飲食鮮解覩天巧伊余寡良圖
知止不如鳥

鮑參軍戎行

六郡習邊鄙結髮承休光立功志萬里孰肯老故鄉鹿
盧倚長劍閃閃涵清霜乾燼可充飯斧冰持作漿促促
飢寒羞不掛烈士腸玉帳臨太白啓行天蒼蒼前軍指
居延旌旆滿大荒伊黎繞塞來冰合愁無梁慷慨重知

已豈或畏折傷寧爲虎豹死不作狐兔藏

新月

新月今朝見情知會面稀去天才咫尺顧我有光輝玉
杵愁心擣虛堂夜氣微出林猶冉冉溢目漸嶽嶽累被
頑雲翳仍防宿霧圍助歡畱樺燭分艷羅衣蟾采何
時滿蛾眉莫漫歸良宵思伴汝未肯掩柴扉

次江蘭晚晴步浴鵲灣至花家山放舟歸南屏

泛泛仙客舟歷歷南山樹清晚欲生波烟輕已紆路觀
荷引勝情直破鏡光渡丹房酣落日翠萼晦昏霧想見
高興時豪吟驚宿鷺收歸素轡中尙有無聲句川觀不

克借雲思曷由吐披卷一忻然洽我滄洲趣

秋日南屏僧舍茗讌

藤刺鉤衣石有稜旋螺山路記來曾貪涼客喜因秋健
無礙天真似水澄竹裏煮茶清響發樹頭安榻午風增
孤懷欲寄東林社不見虛堂覓句僧

時讓公
往桐鄉

題施

學韓

自寫山陰齋舫圖

鴛鴦兩重湖浩渺橫綠漲何人領斯縣尊師古無尙想
其談經餘胸次劇清放脩脩小筆森寫出齋舫樣臥遊
張素壁歸攜歷孤榜桂堂雨連秋邀客試評量斯境久
不至秀韻苦難狀偕往嗟緣慳擲筆有餘悵

黃琛琛寫尊甫再岑丈遺像乞題

玉屑霏霏散沈寥先生遺貌肅清高十年重掬孤兒淚
添寫春風頰上毫

送陳廷獻之官滇中四首

要荒萬里拱

皇朝念爾之官所歷遙瘴氣入江成鬼彈藤梢攔路掛
仙橋抽豪寄遠山禽唱露欄班春猱女邀到處天教畱
勝賞橫椰葉大刺桐嬌

點蒼高插古梁州捧檄南行抵勝遊露氣翠延邛竹杖
嵐光青照木棉裘砦懸黑箐徵糧險戶轄花蠻布政優

聞說樹頭堪釀酒供君豪飲也風流

白厓蒼莽彩雲空鳥道橫穿詰屈中坪過打牛應教稼
臺登畫卦漫論功土風樊綽書前見家信張騫使外通
政暇更能資博物欲將菡醬問唐蒙

畫角催霜幕府開崔嵬吾友意雄哉

謂同年劉撫軍藻

碧雞颯

爽狎巖出黑水縈紆繞塞迴天遠貢琛寬賤曠夷頑守
吏急邊才薦賢破格非難事早晚看君擁傳來

曠亭雪霽次岑參白雪歌送武判官歸京韻

瓦溝風勁冰簷折一色岡巒橫曉雪狐裘烏帽破凍來
今日草堂開不開瓊窗盡日遮油幕銀地翻嫌較前薄

枯槎洞外咄已僵
細草墻根喜還著
白鷺不知池已冰
守魚終日雙眼凝
池邊誰喚癡吟客
閒倚梅花吹短笛
曠亭四達松爲門
雪在松顛鳥踏翻
流澌霽雪隨波去
波轉峯廻出微路
相邀溫酒洗塵昏
縛帚同尋雪消處

道古堂詩集卷二十一

道古堂詩集卷二十二

仁和 杭世駿 大宗

韓江集上

梁溪雨夜

幾月淹塵跡沿緣得靜便
雨聲連水驛暝色入溪船
沙軟鷗同夢城春樹罩烟
所嗟雙屐嬾不汲惠山泉

惠山寺

山殿松陰合溪橋薜跡仍
寒泉分石甃綺榭界金繩
罷講閒坊閉談詩慧鳥嚙
瓶筮終日沸多謝煮茶僧

丹陽郭外候潮

招招爭利涉遲速信難齊曲港牽船澀深更入坎迷未
甘同鴟退只合學雞棲坐待春湍長新詩刻意題

雨中送邵

烈

歸里同用高青邱集中送客韻分得

送徐山人還蜀山兼寄張靜居

風人才調美難京著屐能隨雨入城講舍晚來青草長
邗溝南下怒潮生因君小別添詩債累我狂譎得酒名
北郭故交都健在江關誰最憶蘭成

清明日廬運使

見曾

招遊湖上二首

八桂船窗盪槳斜輕陰況有柳絲遮衣香鬢影連三月
水榭風亭認一家冷節烟光歸草色冶春消息在桃花

山迴正訝遊踪歇纔過紅橋路又叉

裙腰草綠淨塵埃幅幅樓臺畫冊開花倚雕闌迎客笑
波穿粉郭帶潮迴華觴合喚新聲勸佳節欣招舊雨陪
解識使君吟興發慢牽錦纜過橋來

龔

楚

以將母告歸賦詩贈別

相於匝月判離悰迢遞肥泉永歎同白首一經吾分忝
青箱四葉爾才雄鼎來方喜詩頤解寬去旋驚易道東
暢好浴沂童冠在不堪淒斷暮春中

穀雨日江

春

招遊鐵佛寺

北郭峙禪刹基始吳建邦狐鳴應篝火百戰矜戈鏃運

謝族亦殲屠慘心魂懍野火歷幾劫久斂空谷楚何年
掘支港光怪聳衆眩迫視乃得辨古佛黝且龐邪許困
與曳聚看交紛隄粹容屹不動良久力始扛花宮扇毘
嵐事往如奔瀧龍象泣摧剝法鼓喑碎薛關如佛滅度
但剩老樹雙苑卿發洪願猛樹大法幢香界煥以儼修
廊歷春淙交互松竹影搖曳瑣字窗是日值穀雨無雨
風亦降竹輿穿低陂亂石埋崆嶺嗚呼霸業沈指識繫
馬椿祇令平地農比舍安耕糴遊衍到初地環眺足久
躩漸漸巾帽并米汁倒百缸一洗興廢感一洗煩煎從
宿鳥林際窺燄燄燒珠釭衆媿發妙音矜弄修眉媿興

永苦更短歸趁蝦蟇柳

江春重建鐵佛寺於臘八日落成追和

香雲遮湧十由旬造寺還須佛地人

宋人指謂范忠宣公者

害氣

已銷兵後劫鐵靈重現幻中身觀空海月傳心印感夢
天風轉法輪恰喜清齋逢臘八虛堂容我算微塵

十八峯草堂雨中寫望

草堂俯春郊列岫青不捨一一排闥來秀色堪玩把地
勝辰又良於此揜羣雅東風不世情密雨亂飄灑俄焉
頑雲封媿嬾露者寡遠勢接混茫目營力難假既虞妨
履綦聊且薦盃斝亟呼米於菟濃墨恣塗寫酒闌雨未

道古堂詩集卷二十一
三
闌簌簌響簷瓦

紅橋雨夜

小雨微微未肯晴漫遊且共放船行望中撥櫂春泥滑
醉後推窗夜氣清玉鏡雲蘿華月影畫橋風度豔歌聲
珠鐙照水參差晃莫使閒鷗夢易驚

鄭氏休園二首

巷逐城陰轉人傳谷口居入門三徑曲過嶺一亭虛捉
麈鷗邊席行廚竹裏廬不知尋鹿砦裴廸近何如

薜壁青蘿繡苔櫺老樹撐穿花莎徑窄照影古潭清高
臥茶喧枕微吟鳥繼聲卽看仙跡杳猶剩石棋枰

年十七負不世姿維遷史筆擅偏奇平準封禪深刺譏
蛾眉慘綠凝愁低柔荑纖手磨踰糜擁髻占燭清相依
爲陵游說龍鱗披佁以蠶室創厥肌宛轉摩足掩面啼
洗瘢滌垢燁潘宜公欲周覽窮坤倪東探禹穴上會稽
南遊衡湘窺九疑騰駕逸軌驂瑤姬寄帑同州竟不歸
匏瓜無匹愁孤羈縻亦委命隨沙泥長樂亭畔香魂棲
帝哀貞志俾所司千載血食恒于斯褚公大節天人師
一麾出守旌徽徽永徽二年霜始飛西廳夜坐若有儀
盛妝高髻暫且頎斂袂再拜前致辭白楊蕭瑟搖巖扉
蟪蛄泣雨枯蟬飢璇閨始末恐久迷請銘幽宅傳于時

對下生言卷之三
二十四字含酸嘶筆踪橫逸非今爲斌媚豈學王羲之
淳熙秘閣收散遺樂石挺挺完不虧清森活筆格較肥
閱七百祀流傳稀迄今又復星籥移查兄招我晴窗嬉
翠琰突兀光陸離古香浮動青玉笥叶其辭幼婦兼色
絲題評一二皆耆黎敦我團掣爲一詩詰僭伊亞吁可
嗤我才敢與龍門幾

鱗魚

鼠姑花謝意蒼涼忽枉冰鮮到草堂漑釜尚嫌薑性辣
穿腮惟見柳條長莫憎瘦骨搜難盡便帶銀鱗嚼不妨
我比南豐少詩思朝朝充饌也相當

和邱爲尋西山隱者不遇

平生隱淪諾微尚每黽勉所思白雲深
姓氏知者鮮往從詎無由山行畏途外
莎橋架危壑石磴澀蒼蘚遠睇西嶺松
茆屋在絕巘稔知人事稀庭草久不翦
入室無萊妻迎門有藥犬微聞語幽修
泠泠泉續篔之子行拾橡或恐歸路蹇
落葉兼雨飛來遊費凌緬山禽解送客
信步逐溪轉惆悵別雲峯回脰尚屢盼

送巡漕胡侍御

紹南還朝

巍峩清望著臺端

帝念東南轉粟難七省誕持龍節重千夫
顛仰豸冠寒

乘風興爲通儲遠戀 闕心因報國丹野老到船相問
訊早聞八牖慶安瀾

天寧寺具上人見過

客裏稀塵事欣來世外朋起應先警鶴行不仗孤藤髮
自今年白詩從退院增松枝聊一捉名理豈張憑

秋雨菴

看竹有結習勇往不待勸菴從青楊彎路陟黃泥阪僧
廬一舍遙疎籬六枳槩入門數簷篔簹離立何止萬虛亭
納天風吹綠午逾嫩乃知陰曠重力可洗煩悶有石蒼
蘚交有樹古藤蔓色借壽眉青涼助詩骨健清吟杵山

釋撰句如造論沃我紫筍茶施我松花飯飯軟茶更香
不歎齒牙鈍因師謝襍穢毋令數來恩

硯湖月泛

平川靜不波清景一池納牽舟漾漣漪晚色忽焉合團
團閃金餅雲際尚開闔寒光一以照涼氣到羸蛤須臾
出高柳澌澌已四布鎔銀妙傾瀉水月互歌欲慚無御
風姿赤脚不可踏船頭橫素琴船尾出畫楫叢蘆青脩
脩因風自摧拉卽事陶塵襟夕霽愛淒颯高吟驚睡禽
林籟遠相荅回望山烟重恨不攜瘦衲

謂竹溪上人

題程名世樂句圖四首

倚醉揜紅袖含顰斂翠蛾清喉珠一串容易爲君歌
才思如君幾分明白石仙吹簫自度曲應得小紅憐
幽意不可說春愁長滿懷發聲高髻顫或恐溜金釵
按拍紅牙脆研聲皓齒齊何應裙衩上蛺蝶尚單棲

分詠揚州古蹟得繡女祠

娉婷繡女去何之四望亭南尚有祠宛轉月明彈錦瑟
虛無雲氣畫羅帷機絲一向拋璇室環珮何年降玉墀
想見墉城芝草長風神還似入宮時

題朱方藹草堂圖

清絕梧桐鄉溪流淨無滓老樹欹城頭平橋接沙觜年

時記訪舊橋下權曾弭書堂八九間窻窳介溪涖堂外
何所有疎籬結六枳花藥羅瑣碎雜樹倚桐梓堂中何
所有萬卷百城儼七緯精內學六藝究微旨其人美且
仁系出子朱子派從婺源衍家自白嶽徒兄弟元凱齊
聲譽廚顧比清言每忘疲晏坐或移晷別去勞心顏儻
忽踰三紀或嬰鉤黨禍難紓家未毀或入山陽賦或製
柳下誅驚心歲月適作者四人矣季也洵最良芬若佩
蘭芷辛苦葺舊巢跌蕩于文史好語萬又千下筆不肯
止太息人琴亡悵悵意無已并將鴿原痛寫寄圖畫裏
韓江閒過我相見雜悲喜嗚呼君家客大半天下士一

二暮草宿

謂龔鑑王
豫姚世鈺

存者獨余耳卽此數間屋歷歷尚

可指君時甫勝衣玉雪好肌理聰明勤問字屢向几案
倚卅年涼暄更蓄德日宏侈養成鸞鳳姿一日可千里
摳衣兄事益友道故應爾吾衰形支離髮禿口無齒舊
學漸耄忘幸也不卽死披圖慘不歡低徊歎逝水題詩
一申懷汪然淚盈紙

遊喬氏東園

威遲角里莊荒僻來遊稀宛轉渡石梁遂款白板扉萬
竹不受暑溼翠時撲衣野水縱橫流新漲沒釣磯初過
其楮堂解帶量松圍下有芝草長上有白鷺飛微行遵

枉渚邱亭俯曲碕，菰葉青戎戎。波漩魚來依，卽此玩羣
動。迥然悟化機，錯履慚滅明。元言思張譏，揮手雲間招。
我去鶴未歸，循厓策短健。林坼窺金微。

漁菴

野水瀾漫繞竹林，茅菴如笠俯清深。萍香乍合通身綠，
雲脚西移一面陰。被岸蓼花眠乳犢，臥波檉柳立幽禽。
晚涼雨過遙峯出，不見漁舟款乃音。

晴綺軒觀宋林酒仙像

仙乎失足踏蛟窟，衣苔帶藻無人將。塵寰遊戲不得意，
毀形變服皈空王。掃除二見空五濁，只有米汁從容嘗。

小飲三百盃大飲一千觴偶然不醒抱甕臥上天欲呬

天瓢漿蒼苔綠樹句清婉時時吟弄同寒蟄

仙名遇賢有門前綠

樹無啼鳥林下蒼苔有落花之句

至今祠屋飽秋雨龕鐙夜透糟邱香

我不識酒仙亦不入醉鄉松毛蓋瓦藤織簾晴軒招我

追風涼循廊讀畫詫奇筆五髻浮動青螺光棱棱壞衣

不遮肝比鶴差瘦如猿長甘蔗樹底曲盤牀容色貶瘁

神飛揚畫師凡手貌不得豈仙酒酣落筆自寫枯僧裝

中吳紀聞仙能自圖其形無毫釐不相似

我無北礪半偈銘枯骨又無中吳

紀載傳篇章借仙金斝酌仙酒

仙雜詩金斝又聞泛玉山還報顏

與仙

身後宛轉澆詩腸卽看壁間栩栩呼欲活爲我聳肩曳

袖之句從頭商

蓮花溝弄月歌爲徐木清作

黃山粵區仙所陬軒轅遺跡無人搜奇峯六六不易到
險陷最數蓮花溝天梯一綫猱愁踏庠豁惟容朗月納
問君何計挾飛仙絺衣得向松梢搭爛銀嵐彩相搖溶
一峯一月無定踪孤禽冷叫霄路迴萬象夜斂清光融
噫吁噉危乎高哉李清都窈曠無人來蓮莖竦峭誰所
栽涼風藥草互披拂此地豈有蛇虎豺知君負性奇難
改旣不到天都觀瀑布又不向天海高頭看雲海只攜
謝眺驚人詩搔首茫茫問真宰導客神鴉來往熟洞口

香泉請君浴伐毛洗髓綠骨輕仍到峯頭抱月宿平生
愛山志亦頗攫臂雲中計未果神山一合石髓堅可惜
斯遊不招我

新晴過夢公方丈

新晴詩骨健初地愜孤懷看竹荒原迴尋僧曠土皆草
根收積潦松下出清齋行樂隨宜去幽便稱笋鞋

曝經當此日

時六月六日

日色曉逾邁琴薦晴猶潤筠廊綠

更添樹同僧影瘦吟逐鳥情恬飽聽瓶笙沸何妨盡日
淹

同年夏檢討

之蓉

見過道舊以不朽之業重相敦

勉感賦一律

分袂俄驚十八年神峯轉覺過從前一屢喜築招真館
二頃仍荒下澗田跂脚每深天際想俛眉官學入時妍
慨從炎瘴抽身後四海知予雪滿顛

寄題晉陵鈕

孝思

牧村圖

牧村在何許村深徑回復居民八九家生計雜樵牧老
死不去鄉風氣頗完樸鈕兄山澤癯詩骨戛寒玉陽羨
既買田愛此結茆屋穿階溪響清排闥山光綠一篇招
隱文時就樹根讀非不切飢溺仍恐蹈耻辱靜養草木
年適爾抗流俗吳羹芋魁香家釀茅柴熟浴鳥偶不來

誰歟慰幽獨，遂聲起夕陽。童兒叱歸犢。

送許

祖京

歸清溪

負笈休譏去，就輕何蕃乞。養亦人情參，差山作趨東勢。
嗚咽江流惜別聲，上國屢傳蛟窟徙。下田聞說水災成，
貧家米價關心甚。老態頽唐送子行。

題水東小圃

小圃何人築，裁量在水東。桐陰樵笠雨，荷氣釣絲風。石
壁嵯峨立，雲房窈窕通。披星來采藥，只欠兩仙童。

晚過夢公丈室

清遊本無謂，到寺意先勤。谷鳥遠相喚，鄰鐘時一聞。齋

從僧鉢剩涼借佛檐分不爲玄言久林深易夕暝

熙春臺月夜弄泉

奔流激豪湍過雨勢轉急抵罅力趨險觸石聲少澀
華月出雲衢照我頭上笠寒光墮重淵淨洗一輪溼
寂寞熙春臺夜色美難及舟師耽幽便權揀柳陰入
相於弄琤潺驚瀑濺衣褶氣懾龜魚驕香戀芰荷襲
扣舷歌皎兮清影俯可拾回頭白塔尖獨抱翠微立

觀吳興趙氏一門真蹟

首趙魏公松雪孫行可提領記事次魏國夫人漁父
詞四首次公弟孟碩送剛父學正詩次公子奕仲光

和允中郎中秋興八首次公孫麟彥徵孝廉張先生
乞粟疏仲穆子也末附公甥王蒙叔明雪夜訪戴安
道圖記

清遠吳興松雪翁一家辭翰動宸樞亭臨鷗鳥烟波外
人住蓮花世界中

文敏所居名蓮花莊
有三品石洗研池

得向酒鄉窺墨

妙試從書苑遡門風更參黃鶴山樵筆莫以家雞傲阿
蒙

送邱永歸里

十日邗溝住翩然返舊廬臨風一相送極望渺愁子鄉
井懸歸夢親朋少報書道吾岑寂意獨寐夜窗虛

苦雨用江醴陵贈鍊丹法和殷長史韻

頽雲韜西峯曦駕久不還極目渺天際綿野無孱顏綠
水未可泛青林何由攀涼館結層陰溼漬雕甍丹隱几
若有待入室無與歡樂飲希舜榼家食安顏簞差免甕
暵聒始信衾裯寒密塗亮難越啞類鍛羽鸞

梅雨用初白集中雨後納涼韻

頑陰屨屨壓千層猛雨森森散鬱烝曲徑少花慵命屐
晚檐無月早張燈崩騰快醒幽憂疾膏澤欣占大有徵
不用祈晴丙丁帖輕裘政愛薄寒增

用前韻酬五弟

世瑞

文峯高級拾層層須信先人厚澤烝秋士拈題先借硯
寒窗照字各分燈六詩三筆吾慚稱百賦千詩爾可徵
邗水遠來同聽雨對牀幽思一番增

遣興再用前韻

如水閒門迺幾層胸中雲氣夢猶烝澆腸醞借三升酒
遮眼紅依一穗燈對客談雄防傲長臨文才餒懼衰微
長希炳燭餘光照不見新知遂漸增

建隆寺東方丈連理栢聯句

結夏雞頭苑譚經塵母堂

世駿

閒襟消佛日遊屐展僧

廊江炎

仿刹婆那廣盈堦育岷芳

僧復顯

翻譯名義
梵言婆那此言林梵

言育坻此
言應時花妙明生淨域
蔓藟滿雕牆世駿
拔地禪枝聳

干霄寶樹長炎
二身根本合五粒色同蒼復顯
鬼臂工

拏攫龍鱗久抑藏世駿
看難區色相量費較尋常炎
法

雨青皮溜天風逸韻鏘復顯
雜林撐勁秀仙梵叶笙簧

世駿
漏影交承月經冬力拒霜炎
並形闌窟裏合掌練

溪笏復顯
接引松堪偶分尸檜可傷世駿
鳥宜棲共命

果每陋連房炎
平等名何忝思惟義待商復顯
雲開齊

露翠日炙各流香世駿
七寶裝欄楯千花散道場炎
澄

心觀物異竹興寄詩章復顯
烟客詞峯峻山僧慧刃揚

世駿
森森連理栢吟翫在閒坊炎

稼書堂七夕詠神仙感遇傳郭子儀事

崇高富貴世所羨況以期頤更歷徧九天生籍洵有之
太息吾生未經見唐家異姓汾陽王年過三十猶貧賤
銀州近塞議防秋猿臂常擎大羽箭赤光儵忽閃雲端
亘似長虹挾流電風旗霧旆恣飄揚髮髯天孫露玉面
鵲翎欲禿曬未乾蛛網添絲密仍牽神仙富貴兩茫然
乞巧依然遵古諺英雄豈亦計庸福默禱私祈極繆戀
天風吹落仙語清洪範休徵憑汝擅收京大烈耀千古
赫赫今猶傳宇縣吾生踪跡如癡牛有夢何嘗到月殿
今年重七異鄉親紛綸瓜果當筵薦韓公棊梨鬧華堂

謝傅笙歌喧別院
雨師爲洗耳
根塵急點琮瑋打荷片
廿年宰相付空談
一枕龜茲意彌卷
亟呼妙手寫靈姿
更遣門生檢仙傳
今夕何夕夜景澄
銀漢斜傾斗西轉
美人憶我清不眠
九孔鍼穿五色線
祿命微參豈有憑
奇事重徵諒不變
書生奢願倘能償
決計君苗定焚硯
胡麻爲八穀之一
前人無有專詠
坡集中止一賦
而已輒作一首

嘉種攜從海上槎
莖方房大孕仙芽
霜脂碎碾香于蜜
雲子同抄細似沙
玉洞流來偏有飯
白羊喫盡不留花
才人豈是無心詠
讓與蘇和仲賦誇

問竹上人疾

涼意入蕭澹僧野如深秋苔壁一笠間綿疴增離憂鉢
囊久離塵瀘水充朝羞苦韻出林表殘經尚牀頭落落
世外朋將從竹所遊雙鬢拳瘦鷺壞衲遮未周山中富
藥草蘊藟行當求灑然說無生一洗人天愁

紅橋秋泛

得共紅橋半日淹好風吹過喜秋兼荷擎宿雨千枝蓋
泉噴珍珠百道簾擘岸船來疑燕掠棲毫吟苦學魚噉
清輝照影涼於水陡覺絺衣要漸添

欲往建隆寺畏雨不果寄示住僧

秋炎欲斂氣猶烝約往香林竟未能禪榻茶烟拋也得
西堂偏憶苦吟僧

荒郊秋入草蕭蕭嘯侶曾來遣寂寥一樣跳珠結涼雨
空階難忘兩芭蕉

雨過夢公丈室

秋晴不可準急雨莽無數意行入荒原桑竹徑回互避
潦遵微行迷方轉多悞紅樓高切雲前導仗閒鶩瘦衣
杼山釋詩式得禪悟以彼清淨心削此寒瘦句靈機長
活脫交手不能付遊情窈冥間妙境時一赴淒風撥閣
鈴矯首有遐慕棲檐鳥知歸頽景忽已暮相將理芒屨

蒼茫認烟路

道古堂詩集卷二十二

道古堂詩集卷二十三

仁和 杭世駿 大宗

韓江集 下

小酉別館瞻陳洪綬所寫坡公像用坡集中贈寫
真何秀才韻

紛紜黨籍等抹電三萬日過駛激箭高齋觀畫心茫然
詩骨危聳堅於山羽衣吹笛竟仙化名字流落空人間
吁公才大陶萬物鴻去偶然留爪跡老遲活筆不受塵
靜寫公真聊一適芭蕉衣褶蓮花容義在佛頂楞嚴中
十千妙偈參不得此圖究屬亡是公

秋集徐本清學圃

桐陰不雨也生涼藥草因風自送香
弄水與鷗分野席看山畱客坐茆堂
舉杯已約月同飲得句且邀秋共商
幾折危闌天半倚葛巾吾欲傲斜陽

題秋聲館

兩樹梧桐一拳石染透生衣綠無迹
淒風一至葉自搖宛學詩人抱吟癖
秋入遙空淡不收羈孤心事每如秋
知君已築秋聲館聽到秋深我欲愁

中秋集遺安樓下聽小伶歌坡仙大江東去詞

雨聲來自大江東綽板琵琶鬧綺櫳
曲誤不知誰解願

思量公瑾是英雄

羅衣約略欲生寒
粉面妖嬈刻削難
可惜轉喉珠一串
黃州月色不曾看

錢唐詩人潘雪帆墓在蜀岡往尋不得

詩骨埋何處
分明在蜀岡
高秋思一拜
蔓草沒斜陽
蘇徑尋碑失
松根引路長
清詞聞鬼唱
嗚咽和寒蟿

九日登南城樓次龔三秀才

禠身韻

一逢佳節興飛騰
城上危樓許共登
放眼欲窮無礙境
置身宜踞最高層
鳥從樹杪齊人立
天逼秋空學水澄
歸去持螯還醉菊
虛堂誰道旅愁增

程氏筠榭齋幽風圖

陽冬值淒緊虛室意蕭屑流觀毛詩圖何人畫七月周
正肇建子歲首一之日幽谷况苦寒節物應玄律次及
春日遲女桑漸可伐蠶績勤婦功應原事耕墾七月烹
葵菽六月食蓼鬱瓜壺佐饗飧春酒養老疾迎貓祭坊
庸八蜡靡弗達黃冠息田夫索饗聚萬物想見生理周
不用計衣褐吁嗟此幽居風氣尚陶穴公劉方舍館古
公未築室艱難以定都王迹興也勃後王疾敬德曷其
奈何勿元臣陳民依動色咨警切風詩兼雅頌指畫口
可逃良工蘊苦心鄭重寫詒厥系首誦八章經誥聖所

曰得非馬和之不亦趙

孟類

林子

子

筆良士戒太康其

義在蟋蟀吾儕安耕鑿際此歲功畢御冬謀旨畜塞向
蟄蓬華讀畫生古歡朋酒幸情暱情遊或免訶素食理
當祭母令堊壁空更約寫無逸

立冬前一日雨中集街南書屋追悼馬員外

日瑄

山齋簡人事幽意藉以攄霜條將辭秋葉墮風舒舒小
雨間復作蟄室聊相於溲然悽心神我友今安如平生
一髣髴牀有手寫書高韻邈林表逸響沈空虛江山悵
阻脩日月忽已除每虞哀樂傷壽命同草苴撫今兼感
舊運往情有餘

對漚閣席上詠燭

子夜殷勤照獨眠，逢歡又甯上瓊筵。
替人惜別先垂淚，恁事灰心遽散烟。
燄燄好花空際結，紛紛寒暈雨中圓。
文場仗爾三條力，忍共勞薪一例然。

硯池雨泛聯句

羶颺蕭林莽

吳江王藻

玄露淒有滄冥濛也荒洲

世駿

俄頃

失翠唵瀾矜曦晷促

錢唐陳臯

突令遊興斂幽探屐倦蠟

長洲

沙維

枯坐戶愁居輕鞵惜衝泥

潼關張四科

寬褐畏蒙歛言

將泝空澗

江都汪長馨

詎久東崖檢一篙入灣環

江都汪長德

百

頃試灑激奇情割紫雲

藻

活色奪青琰脩眉漾犀紋

世

駿
微澗暈蓉臉天骨巧斲能鼻墨海肖範儼泓然象有

徵維杓允矣名不忝溪棧蹙淪漪四科風脚恣磨颯渺

瀾圓文呈長馨颯沓粗雨點頗類手撒菽長德又若面

著壓打篷響蕭蕭藻啟鑑光睽睽陰森起芒角世駿涼

氣破睡魔櫓澀急待擗鼻窗拓不及掩扳罨竄驚儵維

杓觸岸罨枯芡葉脫時濺波四科葦折未離隴延緣度

花杠長馨造次接苔厂祛痰亟傾尊長德怯冷預捐簪

欹枕或放慵藻鬪韻互趨險寒聲相與清世駿柔翰此

焉染凝神屢鷺翹鼻密詠學魚噉奧思容徐抽維杓高

格宥稍貶洗句去瀾漫四科立說戒卑諂刺船偶移情

長馨取醉暫輟槩池烟滃初合長德暝色來有漸昏鐘

幾杵沉藻遠火一星閃焚船晒子猷世駿興至擬泛剡

阜

用坡公百步洪韻題張月梅煎茶圖卽送之還橫

山舊隱

邗溝夜雨如決波長鯨振鬣龍騰梭呼燈張畫試題句
振筆疾掃隄隳磨品水不學陸鴻漸煎茶試仿蘇東坡
松風扇鼎沸鱗眼清響時到雙卷荷高吟鏗洵徹戶外
聲蒼檐雷千蜂渦侵晨我友櫂當撥一葉軒舞凌江河
新看璀璨已凋木三山翠色仍紛羅掀髯醜酒頌風伯

茸裘潤領裁蒼駝中冷有泉汲不得瘦蛟據窟遊蛟蛇
伏飛信勇不可恃官與怪物爭巢窠揚帆一笑指鐵甕
波濤縱險如予何通靈妙畫恐飛去重煩神力長搗訶

送李應烈之吳門

離家漸近意先便江岸欣租下水船帆脚日高開曉霧
塔鈴風順語諸天貧能養母遊何礙熱不因人事可傳
飽看吳江好光景楓林將落轉澄鮮

韶齡京國快提攜倏忽星霜廿載移赤手所嗟謀食苦
回頭翻悔讀書遲寄帑沽水非長策懷弟秦州有好詩
賃得一椽阜廡穩短函先報老夫知

題蓉江垂釣圖

母邱道士好畫手，千枝愛寫紅拒霜。間從何處得粉本，
倒影灑灑搖秋江。江邊漁父有潘黨，終日拏魚無兩漿。
臨厓背坐一竿拋，雖不同頭人，可想我與同鄉未識面。
縱使開圖仍不見，幾時請介孟蘭臯。
謂武堂共買輕舸理釣線。

雨窗夜坐喜丁壻至自淮城效吳體

紙窗矮屋閃油檠，夜氣不圖如此清。鼠緣敗壁率爾下，
雁逗寒雲時一鳴。苦吟間荅粗細雨，情話續成長短更。
天愛閒人與閒福，煮茶煨栗到天明。

送王某還關中

遊踪五載滯邗溝，忽漫歸秦興轉遒。
嶽色逼天橫馬首，河流噴雨濺貂裘。
曉關犯曉霜侵堞，古戍衝廳葉滿樓。
到及長安愛冬日，衰親先爲豁雙眸。

寒夜集汪

棟 護固

夜氣茅堂靜，庭柯墮月深。
故人多旨酒，獨客減鄉心。
散帙青燈閃，催吟白髮侵。
江春堅後約，不厭數招尋。

五清山莊圖爲渤海高文定公作兼呈巖使

恒

周制重公墓，冢人圖兆域。
諸侯卿大夫，封樹各以秩。
有功常居前，守禁且爲躡。
執斧蒞匠師，幽竈乃無忒。
下逮

唐貞觀陪葬護陵側一百七十四石刻今可質

皇朝奠坤輿

三陵峙薊北族葬儼周廬宿衛乃其職我

皇沛新恩 賜地許環翊觥觥渤海公四海仰耆德丹

地陳臯謨河壩崇廟食騎箕旣歸天浩氣盪雲日許山

界東南瑞協拱皇極錯落眞珠村寒秀美堂密窻窳備

榮哀同穴有靈匹哀哀象賢嗣麻衣謝棠筆水月松竹

梅崢泓問蕭瑟遺詩識終符幽棲願遂畢寫圖範先型

清淚素襟溢空山對高秋山人動銜卹求忠必於孝致

身先竭力嗟余負疚深愚艱荷公識泉臺有知己往哭

何可得辱以節使知謂我曉經術乘間過烏府把卷增
咽息湯湯河水深鬱鬱象緯逼寒芒動台躔大節光史
帙荒儒容僂言袞繡頌九戩

冬江

巨浸經冬勢轉雄乘艫萬里駕長風晴瀾拍岸沉荒草
野氣浮天失斷鴻三楚估帆飛霞重二姑神帳暮潮空
油魚磯下冰開處尚有披裘獨釣翁

冬至前二日集梓花軒催雪

雪意初含尚未伸空齋凝望轉勞神劇愁無月難爲夜
却恐經時漸及春縛帚久虛穿徑屐開爐休誤煮茶人

題詩促迫緣何事要與仙家賭玉塵

題畫

清秋風日佳有客遠存訪語次出畫冊披視愜予尚在
昔汗漫遊江山日騁望瘦藤凌雲峯高帆破烟浪垂老
耽閒居邱壑情所向舊遊思好手摹取入屏障愛此天
機精幅幅窮形相位置爭造物慘淡見意匠遠勢分秋
毫細處轉雄放木落秋崖高雪消春江漲松濤汨絕壑
瀑練界懸嶂晚楓霜葉酣新柳風絲颺宛見雁刷翎恍
聽鶯弄吭日霽渚烟輕湖迴磯石壯望衡攢漁舍聯檣
宿買舫萬象幻毫端賞心幸分餉置我山水間索居獲

佳況更知巖居樂細意狀清曠門拓嵐彩中徑盤松果
上庭靜梧陰積窗虛竹光漾晨起放鶴飛暝歸和樵唱
寧諱谷號愚應知水名讓摩挲眼倍明想像神彌王得
侶山澤癯足類風塵狀靈區負嶽瀆仙地阻蓬閩讀畫
娛暇晷烟雲藉供養真蹟留未得題詩寄惆悵

江春宅分詠得防秋

六郡良家子防秋調發空軍裝霜馱遞家信塞鴻通臥
甲陰山雪鳴弦大磧風三城猶未築不敢論邊功

小西別館追送程舍人

晉芳

用昌黎會合聯句韻

簪毫紫禁嚴 宣詔丹地重

世駿

誰歟冠文豪入選奮

才勇

黃裕

高騫歎力沉翹望益神聳

閔華

摩空賦筆瓌

翻水詩思涌

陳臯

疾如馬脫銜浩若川決壅

沙維杓

遠齊

嚴徐肩近接顏陸踵

張四科

橫翔類排山獨出儼斷壑

炎

光連星河搖氣攝虎豹恐

程名世

握瑜炫席珍含穎挺

嘉種

世駿

東門飲餞多北地鈴馱冗

裕

乘風想揚鑣過

家當上冢

華

雞壇別舊知鳳閣拜新寵

臯

驂關候館闕

旌拂驛樓拱

維杓

衝寒馬毛縮裹雪僕心恂

四科

雙堠

隻堠迎十漿五漿奉

炎

封崖冰嵯我撐郭樹臃腫

名世

闕市驚乍穿短簪喜初擁

世駿

昏色翠忽交燕雲晴可

捧

裕

曉警盤空鷹夜咽詔寒蒼

華

美哉壯遊遨胡然惜

微虺臯 心儀王道平目極 帝闕鞏維杓 殊恩故特

達當職敢惕四科 陳謨追虞唐銜憲展虔悚炎 革帶

玉螭盤黼裘青兕名世 丹穴耀九苞華省豔雙琪世

阮晴嵐兼謂小 朝制尊鼎槐 皇輿擴秦隴裕 德至銀甕出

瑞應玉膏溶華 賜復逮耆肆省破孿琴臯 謀謨參廟

堂變理佐宰冢維杓 龔言羽排霄清緒繭抽蛹四科 居

中體易崇近日價增踊炎 雄飛薦戾天卑伏燕斂名

世君行慎樞筦趨直準宮甬世駿 我其內熱歟鬪險夜

呼洵裕

與項均言別

月窮羣動熱不見役車休歸計吾非亟人生各有謀臥
疴成小劫別錄起新愁一雪晴逾好看山興轉迢

遊法雲寺同用溫飛卿法雲寺詠雙檜韻

春陰接日萃鷗羣入寺尋僧靜趣分草色不殊驃騎宅
風聲猶張皖城軍空枝野燒歸塵劫落日殘鐘殷梵雲
公等共深懷古意香林清唄幾回聞

和陶連雨獨酌

達生貴玄尚衆人不謂然長恐烟客詣未遂柔者閒歡
然命杯酌得酒勝學仙共處大塊內萬物遊其天醉醒
各有適知覺誰獨先曜靈久匿景旬積當來還晦明強

分析何與皇羲年樹立苟不朽豈在詹詹言

吳均招集程氏園亭

名園幽夔似郊扉看竹同來坐釣磯遮眼綠陰開曉霽
稱身白袷試春衣東西屋夾清漳住高下花迎綺席飛
卽此一觴兼一詠永和以後見應稀

歲暮留別遺安樓同好

朔氣將吹雪輕舟喜蹙操客心懷土亟歸計閉門高屢
酌清醪滿仍慚菜把叨別愁驅不得且共一盞挑

野寺尋碑圖爲杜太守甲作

杜序云按志卜從善明末總兵先以副總兵守衛闖

賊犯開封巡撫高名衡令堵渡河南掘河灌賊營未
成賊覺衝散後河決陷開封從善以水師至賊上河
北諸軍用大礮擊沉賊前鋒土寇李際遇等所在蜂
起從善兵僅三千人屢建奇功崇禎十七年賊將破
懷慶漸逼衛從善護路藩南行賊旋據衛城從善返
與爭力竭爲所執大罵不屈遂遇害剖腹剝胸備極
慘毒郡人哀之殮其尸葬於北關寶曇寺後東偏志
載如此余赴寶曇寺訪問住持崇蘭復至寺後東北
李姓地內見前任徐公名汝瓚所立之碑書明末總
兵官卜公從善之墓乾隆二十一年立碑石下截已

斷問公之墓皆茫然不能指其處想當日公尸已分
郡人草草收殮葺宏碧血久矣化爲青燐矣因重整
其碑密砌深埋以冀永久

寶曇古寺衛河濱杖策尋碑落日昏延頸甄生猶闕傳
銜鬚溫序未歸魂熊韜莫挽黃旗運馬革難銷碧血痕
寄與共城賢令尹謂賢子方宰汲縣不妨從此薦溪蓀

劉觀察謙招同杜太守甲程司馬名世泛舟至平

山堂挈僧輔誠看月而歸

生衣短杖一舟乘隨意招邀世外朋勝地得閒宜看月
老人無伴但尋僧谿廊客散旋吹笛野店帘收尚點鐙

荷葉試香鷗夢熟漿牙休遣動魚骨

前題次杜太守韻

滿拚寒莽宿中洲且共牽船慢慢遊
塵外僧伽閒似鶴
酒邊風景爽於秋
鳥貪樹密分枝占
魚喫蘋香見月浮
物理細推吟興劇
煮茶聲裏小淹留

題汪棣後談藝圖

風雅有代興流別溯明制宣正趨平易
逸軌漸陵替李
何起陝豫猛力振衰弊誰與往焉儻
乃自偃王裔
廸功操吳風
啟秀在綺歲
心折北地豪
一變歸雄麗
左拍元端
肩右把華玉
袂深造寫自得
奮筆錄談藝
慨然志復

古陶物功不細，名學聲塵表。末學罕津逮，皇朝蘊英
韶。夔臯各師濟，中和紹三古。性術原五際，休風一以暢。
斯道見關繫，吾友黃海英。浮溪溯華系，瑤胸濯風露。秀
格掃榛翳，平生一瓣香。昌穀獨心契，北闕三上書。退筆
凡幾瘞，油鐙僧寺張。雪酒斜街貰，清辭析伊鬱。高論破
夢寐，寫圖繼徐後。從容理羣製，本志以章教。致遠詎恐
泥，嚶嚶千載心。獨出誰齒隸，執卷爾何人。心盟想新締，
四傑參邊貢。七子王鄭儷，往哲賈前勇。今賢殿後繼，八
代異塗轍。未肯趨一例，吾衰久矣夫。所見非世諦，胸中
有雌黃。欲語羞失勢，有詩三數卷。浩氣頗澎溲，菲齋倘

過從揖子煩次第

楊花三首

是花非葉費商量薄襯春陰淺著黃
一去遠空無處捉
笑他心性太顛狂

擘絮搓綿點客衣
穿花旋復渡漁磯
凝妝少婦新愁劇
莫傷高樓歷亂飛

突起東風仰面看
步虛無路借梯安
從卿學得輕身法
驀地鑽天也不難

平安車歌爲江晨作

一器聚焉工爲多
遊環勒續交相摩
雙輪輾轉藉行遠

義取安穩無偏頗吾友突兀出新意通轆單輪制獨異
一人前挽一後推有似坡翁喻欹器流蘇四角紛飄揚
安坐更凭斑絲囊文虬赤駟謝驂服短轅長轂齊堅強
造成竟欲追羲馭南越西秦北燕豫轍環屈指半天下
歸臥天都聊一駐竹西偶見鴻爪痕解轅脫輓長閉門
有時散步過鄰曲枌榆古社脩雞豚豐髯戟張氣雄拔
世上恩讎概抹撥狂逢丙吉偶吐茵飲值陳遵便投轄
鄙人訪舊來邗溝拍肩一笑皆白頭巾車亟遣迎薛訪
轉喉孃孃揚清謳興酣督我浣吟筆我未經眸寫不得
畫師喚繪考工圖尺寸分明遵古式嗟君磊落負奇志

萬里橫行不得試三車妙諦我能參並駕攬雲造秋寺
平安之義請一論太行屢有傾軛人無危之興讓子占
暢好花墅頻嬉春此車夾漈不能考說與楊誨仍未了
尻輪神馬至理存讀我長歌自通曉

康山秋眺

轉巷岡形接開門雁影來遠窮無礙境坐想不羈才草
徑澹秋迹風林起暮哀靜聞鄰梵動吟嘯亦悠哉

秋陰

遠天如夢窈難窺并入深秋景更奇樹頂亂堆雲羃歷
水邊涼蔭竹參差侵檐只解遮晴色作冷何曾釀雨絲

綺席諒來無月到酒人莫怪放簾遲

題馬氏昆季雲壑清吟圖

天風謾謾穿長松兩耳已覺酣笙鏞寒泉淙淙瀉幽壑
偶觸犖确成琤琮何來二妙叶清響收斂萬象歸沖融
空山無人衆竅闐獨留噫氣號青峯激謫叱吸諫且叫
似與詩客爭于喁嗟予此事有獨契屢闖吟坵羈遊踪
境清未許塵跡溷欲僂離坐無由逢黃家濠口夜夢見
雪浪盆古其辭豐作詩寄訊詫異事至今耿耿蟠於胸
見下嶺南集 桓山四鳥翼忽折叔兮奄忽隨沙蟲么弦孤韻
怒子季嗚咽頗類經霜菘邗溝重來影堂閉沈瀾老淚

交清容披圖悲悚發深喟褻玩竊恐難爲恭卷還鄭重

付阿買

謂令嗣元一

亟縛閹檻撻雲封

桃盃歌爲馬日璐方士唐作

我聞世有綏山桃雖不得食亦足豪桃經三千歲始熟
自從張家小兒偷後無人遭天台路迴武陵窈花事雖
繁黃實少胡麻流出漁子歸紅雨斑斕仍未埽韓江耆
碩方與馬七十齊年當孟夏庚甲無差月日同兩家羊
酒充門厦道是同生姓各殊欲詫奇聞事難假朋酒交
傳獻壽盃斟酌天漿常少暇是何巧匠朱碧山範桃破
費金十鍍駢枝儷葉巧纓帶合之成偶離則鰥馬也半

槎風自號方亦糟邱名未噪弟勸兄酬各飲滿不藉分
投待李報開筵招我非今雨卅載雞壇共遊處瓜刀未
割宛天成諄請當杯賦長句酌君酒爲君歌此桃迥異
螺卮犀角金叵羅不勞纖莢長褒擎青娥酸漿蜜味旨
且多令君歲歲顏常酡爲君歌酌君酒世外浮榮竟何
有只有詩篇垂不朽卽如此桃初入蓬髮虎齒婉羅手
瑤池宴罷賦四言朱鳥窺餘畱一首武皇內傳盛流傳
員闕層臺不脛走二子澹雅才詩名在人口騎鯨跨蝶
戲三山穴蠹穿蟬窮二酉謝家好句整從心葛氏神方
常在肘天瓢屈注酒膳豚九竅香生詩力厚一飲上池

水溢綠骨輕再飲綠筋貫晴齒堅久裹以齊東繚戾之
文綾配以于闐光精之玉斗絡以赤城霞頂馭蔓萬歲
藤佐以太華峯頭如船之雪藕非鷓非鰈每並行歷霰
綿霜恒共守桃乎桃乎慶爾遭人與此盃均不苟明年
我亦老而傳願聳吟肩隨兩叟社中香火亮見容只恐
仙桃難再剖

積雨初晴江 叻 招集淨香園卽事

積雨連朝淨洗塵乍晴天氣健遊人輕風喚柳做做舞
遲日烘花漸漸新碧草借他脩禊地畫船著我苦吟身
溪頭磐石雙趺穩欲乞絲竿釣錦鱗

重過休園卽事

城隅路轉淨塵沙，又到滎陽外史家。
壓帽枝低妨野鶴，穿籬水急漾修蛇。
投閒心性便看竹，頌酒生涯只惜花。
應是詩翁天與福，今朝風景更清嘉。

首夏集張

四科

榮木軒

蕭閒門巷勝郊扉，暇得招尋暫息機。
詩效元言非世諦，花迎初日有清輝。
晴軒山鳥時啼竹，歸客江風尚在衣。
時張司訓進還自武昌秀髮龐眉圖六逸，徂徠以後見應稀。

夏五集玲瓏山館奉懷盧運使

習家池館綠陰成，記共山翁曳杖行。
翻悔舊遊輕握別

久欽晚計穩歸耕九河風雨供鴻筆三楚雲濤冷鷺盟
認取雙清心跡在潑天青竹有題名

淨香園秋日觀荷

陂塘入秋曉綠水彌沖澗亭亭萬柄荷離立清漣中紅
白各自好間錯造物工妙香蘊無迹逆鼻因微風白鷗
傲我閒矚翅漁梁東刺船一相就飛墮菰蒲叢樂方窈
難狀物理將安窮須臾萬象斂高柳懸青銅殷勤照瑤
席花氣逾溟濛何圖清涼國招邀兩仙童嬌歌惻心脾
四野無號蟲人影各在地宛似枯蓮蓬

送門人陳侍讀

鴻寶還

朝兼簡令叔銀臺

兆崙

四首

扶杖嬾姍強出城河橋傳送舍人行柳條解識東風意
吹綠柔荑一夕生

畫船安穩指滄州夕膳晨羞孝思稠聞道 觀河方警
蹕簪毫猶得扈龍舟

每從天上舉頭看丹地清巖欲到難一事只君輸謝眺
翻堦紅藥已開殘

君家癡叔直明光彩筆詞科共頡頏野老敬煩傳一語
國恩思報祇文章

陳乾 招同潘 泉 壽 譽 達 令叔 阜 草堂小集

隔巷招尋四老翁，寬鞵瘦策藥闌東。
談深只愛鄉音熟，吟苦頻驚句法雄。
花氣暖融清酒醞，月華涼映蠟燈紅。
玉塵賭得全無用，誰信圍棋橘叟工。

陳乾安榭館觀亡友金農畫梅

髯翁去作騎鯨客，祇剩冰魂與雪魄。
幽香冷沁白鹿胎，鐵榦橫撐凍蛟脊。
梅花兩樹立青空，活蘇乾苔次第積。
清夷長者爾何人，髯豈豪端所憑藉。
一圈一圈千百圈，花瓣紛紛照人白。
畫成珍重復題句，自寫襟期常嘆咄。
飢來得錢亦復賣，飽則千金不肯易。
枯僧裹茗恒借觀，豪客腰金打門索。
荔園居士胎骨清，花癡時時兼畫癖。

一言投合脫手贈寶之何啻尺二璧青瓷軸頭裝裹新
路錦球紋裱糊碧三年坐臥不忍離挂在空堂雪色壁
幽光冷韻森四射火傘高張尖炎赫東關東去清漳宅
暇日招尋展吟屐入門瞥見橫斜枝令我淒然感疇昔
江頭寒月待歸人歲歲言歸言不覈梅妻早喪夜臺孤
佛屋囂湫壑周窄裹骸有子先日臨銘墓無人後死責
高齋讀畫促題詩我媿才枯少媿嬾搜腸琢句尚苦硬
偷得冬心集中格玲瓏簾額蔽枯碁錯落珠鐙照瑤席
追歎莫便裂風景作使平頭且行炙